

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23) i člana 142. stav (3) Zakona o visokom obrazovanju („Službene novine Zeničko-dobojskog kantona”, broj: 12/22), a u vezi sa članom 3. Odluke o davanju saglasnosti na Plan upisa studenata u prvu godinu drugog ciklusa studija na Univerzitetu u Zenici u akademskoj 2023/2024. godini („Službene novine Zeničko-dobojskog kantona“, broj: 9/23 i 16/23), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 10. sjednici, održanoj dana 28.12.2023. godine,  
d o n o s i

## **ODLUKU**

### **o davanju saglasnosti na povećanje broja studenata za upis u prvu godinu drugog ciklusa studija na Univerzitetu u Zenici u akademskoj 2023/2024. godini**

#### **Član 1.**

##### **(Kvote za fakultete)**

U skladu sa članom 3. Odluke o davanju saglasnosti na Plan upisa studenata u prvu godinu drugog ciklusa studija na Univerzitetu u Zenici u akademskoj 2023/2024. godini („Službene novine Zeničko-dobojskog kantona“, broj: 9/23 i 16/23), daje se saglasnost na povećanje broja studenata za upis u prvu godinu drugog ciklusa studija na Univerzitetu u Zenici u akademskoj 2023/2024. godini, kako slijedi:

<b>Red. br.</b>	<b>Fakultet</b>	<b>Studijski program</b>	<b>Ime i prezime</b>	<b>Redovni studenti-finansira Osnivač</b>
1.	Pravni fakultet	Krivično pravo	Jeneta Šabić	1
<b>UKUPNO:</b>				<b>1</b>

#### **Član 2.**

##### **(Povećanje broja studenata za upis na prvu godinu)**

Povećanje broja studenata za upis u prvu godinu drugog ciklusa studija na Univerzitetu u Zenici u akademskoj 2023/2024. godini, odnosi se na kategorije: djece šehida, poginulog, umrlog, nestalog branioca, poginulog, umrlog, nestalog dobitnika ratnog priznanja ili odlikovanja, umrlog ratnog vojnog invalida i umrlog demobiliziranog branioca, pripadnika romske nacionalnosti, osoba s invaliditetom preko 70%, osoba bez roditeljskog staranja koje su štíćenici ustanova za smještaj djece bez roditeljskog staranja u Zeničko-dobojskom kantonu, osoba čiji su roditelji/staratelji korisnici socijalne pomoći, a koji imaju prebivalište na području Zeničko-dobojskog kantona, a koji se prijave na redovan studij (finansira Osnivač) i polože prijemni ispit, odnosno ne ostvare potreban broj bodova po općim i posebnim kriterijima na fakultetima na kojima nije predviđen prijemni ispit, a ne uđu u kvotu predviđenu članom 1. Odluke o davanju saglasnosti na Plan upisa studenata u prvu godinu drugog ciklusa studija na Univerzitetu u Zenici u akademskoj 2023/2024. godini („Službene novine Zeničko-dobojskog kantona“, broj: 9/23 i 16/23).

#### **Član 3.**

##### **(Realizacija odluke)**

Za realizaciju ove odluke zadužuju se Ministarstvo za obrazovanje, nauku, kulturu i sport i Univerzitet u Zenici, svako u okviru svojih nadležnosti.

**Član 4.**  
**(Stupanje na snagu)**

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-34-19503/23

Datum, 28.12.2023. godine

Z e n i c a

**PREMIJER**

*Nezir Pivić*

DOSTAVLJENO:

1x Ministarstvo za obrazovanje, nauku, kulturu i sport,

1x Univerzitet u Zenici, putem Ministarstva,

1x „Službene novine Zeničko-dobojskog kantona“,

1x a/a.